

高祖

全唐文
卷一之三

竹居攷廋

嘉祖

竹居致康



全唐文卷之五

欽定全唐文卷一目錄

高祖一

授老人等官教

徒隸等準從本色授官教


授逸民道士等官教

獻嘉禾教

授三秦豪傑等官教

罷放櫟陽離宮女教

遣師趨鞏洛令



金定全唐文 卷一
討薛舉令

定戶口令

秦王太尉陝東行臺制

秦王兼涼州總管制

秦王益州道行臺制

秦王天策上將制

封汪華越國公制

秦王領左右十二衛大將軍制

皇子元霸智雲追封王制

秦王等兼中書令侍中制

改元大赦詔

封隋帝爲酈公詔

選用前隋蔡王智積等子孫詔

頒示孫伏伽諫書詔

令陳直言詔

加恩隋公卿民庶詔

贈高潁等謚爵詔

贈李金才李敏官爵詔

褒勲臣詔

閱武詔

減用牲牢詔

許李襲譽合譜宗正詔

置社倉詔

遣淮安王神通安撫山東詔

罷貢異物詔

每州置宗師詔

禁行刑屠殺詔

大赦并浩等州詔

禁屠酤詔

遣太子建成等巡畿甸詔

命行人鎮撫外藩詔

曲赦涼甘等九州詔

旌表孝友詔

令國子學立周公孔子廟詔

修武備詔

討王世充詔

金定全唐文 卷一
太常樂人蠲除一同民例詔

燕公羅藝封燕郡王賜姓上籍宗正詔

赦逃亡募人詔

欽定全唐文卷一

高祖皇帝

帝姓李氏諱淵字叔德其先隴西成紀人後徙長安祖虎
佐周有功爲柱國追封唐公帝生襲封隋大業十二年十
二月爲太原留守明年五月舉義兵十一月入長安尊立
恭帝自爲大丞相進爵爲王義寧二年戊寅五月受禪建
元武德在位九年八月傳位太子年七十一諡曰大武皇
帝廟號高祖追尊神堯大聖大光孝皇帝

授老人等官教

乞言將智事屬高年耄耄杖鄉禮宜優異老人等年餘七十匍匐壘壁見我義旗懽踰擊壤筋力之禮知不可爲肉帛之資慮其多闕式加榮秩以賙其養節級並如前授目外當土豪雋以資除授

徒隸等準從本色授官教

義兵取人山藏海納逮乎徒隸亦無棄者及著勲績所司致疑覽其所請可爲太息豈有矢石之間不辨貴賤庸勲之次便有等差以此論功將何以勸黥而爲王亦何妨也賞宜從重吾其與之諸部曲及徒隸征戰有功勲者並從

本色勲授

授逸民道士等官教

義旗撥亂庶品來蘇類聚羣分無思不至乃有出自青溪
遠辭丹竈就人間而齊物從戎馬以同塵咸願解巾負茲
羈縻雖欲勿用重違其請逸民道士等誠有可嘉並依前
授

獻嘉禾教

嘉禾爲瑞聞諸往策逮乎唐氏世有茲祥放勲獲之於前
叔虞得之於後孤今糾合復逢靈貺出自興平來因善樂

金定全唐文 卷一
休徵偉兆何其美歟顧循虛薄未堪當此呈形之處須表
天休送嘉禾人興平孔善樂宜授朝散大夫以旌嘉應

授三秦豪傑等官教

義旗濟河關中響應轅門輻湊赴者如歸五陵豪傑三輔
冠蓋公卿將相之緒餘俠少良家之子弟從吾投刺咸畏
後時扼腕連鑣爭求立效縻之好爵以永今朝

罷放櫟陽離宮女教

大業已來巡幸過度宿止之處好依山水經茲勝地每起
離宮峻宇雕牆亟成壯麗良家子女充牣其間怨曠感於

幽明糜費極於民產替否迭進將何糾遯馳道所有宮室
悉宜罷之其宮人等並放還親屬

遣師趨鞏洛令

李密趙趙鞏洛自許當塗王城如燬憂心孔棘東都危逼
有若倒懸西人之子理本奔命其左右大都府所統諸
軍並宜戒嚴以時式遏有征無戰是謂義師招諭不從勿
難還也初年孟月春作方興不奪農時宜知其速

討薛舉令

大業喪亂兵革殷繁天下黔黎手足無措孤所以救焚拯

溺平此亂階蜀道諸郡深思蘇息遠勤王略誠有可嘉方
一戎衣靜茲多難而薛舉狂僭吞噬西土隴蜀道途恐相
侵暴今便命將授律分道進兵其衝要諸郡縣宜率勵各
募部民隨機底定斯則暫勞永逸貽厥子孫守國刑家同
享安樂

定戶口令

比年寇盜郡縣饑荒百姓流亡十不存一貿易妻子奔波
道路雖加周給無救倒懸京師倉廩軍國資用罄以恤民
便闕支擬今岷嶓款服蜀漢沃

四里富於猗陶菽粟同

於水火曩者儲蓄徵斂實繁帑藏猶殷宜垂拯濟木牛流
馬非可轉輸樂土重遷理無從薄則窮通之道將由革變
外內戶口見在京者宜依本土置令以下下官部領就食
劔南諸郡所有官物隨至糴給明立條格務使穩便秋收
豐實更聽進止

秦王太尉陝東行臺制

論道經邦任惟勲德分陝作伯實寄親賢尚書令雍州牧
右武侯大將軍上柱國秦王世民器宇沖深智謀英果義
師云舉首贊奇謀親率熊羆搴旗斬將廓清區夏忠孝克

金定全唐文 卷一
彰狡寇逋誅虔劉西土總戎薄伐戡翦無遺策尚權遠謀
猷沈密宜在鼎司肅清槐路今區宇方緝鞏洛猶蕪鎮俗
治戎允資望實可太尉使持節陝東行臺其蒲州河北諸
道總管及東討諸府兵並受節度餘官悉如故

秦王兼涼州總管制

京室殷阜鉤陳嚴祕肅遏警巡職務尤重然而玉門遐阻
控禦垂荒金城衝要尉候攸屬宣風作牧親賢是寄太尉
尚書令雍州牧陝東道行臺右武候大將軍上柱國秦王
世民地實藩枝任惟心膺職參三事功著二南識度優閒

性理濟闕典戎敷化聲績備舉宜攝九門總司八校撫莅
河右允兼望實可左武侯大將軍使持節涼甘瓜鄯肅會
蘭河鄯九州諸軍事涼州總管其太尉尚書令雍州牧陝
東道行臺右武侯大將軍上柱國王如故

秦王益州道行臺制

蜀郡沃野曰惟井絡控馭邛笮臨制巴渝求瘼宣風朝寄
尤重總司岳牧是屬懿親太尉尚書令陝東道行臺雍州
牧左武侯大將軍使持節涼州總管上柱國秦王世民器
宇沖深體識明允專征闡外茂績克宣敷政京畿嘉聲已